



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax: +387 33 726 423
e-mail: info@voda.ba

Broj: **UP-1/21-3-40-351-5/24**
Datum: **24.09.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „MLIN I PEKARA“ d.o.o. Ljubache-Tuzla za donošenje rješenja o vodnoj dozvoli za ispuštanje tehnoloških otpadnih voda iz pogona za proizvodnju mlinskih i pekarskih proizvoda, izgrađenih u naselju Ljubache, Grad Tuzla, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Pravnom licu „MLIN I PEKARA“ d.o.o. Ljubache-Tuzla, daje se vodna dozvola za ispuštanje tehnoloških otpadnih voda iz pogona za proizvodnju mlinskih i pekarskih proizvoda, izgrađenih u naselju Ljubache, Grad Tuzla, na zemljištu označenom kao k.č. broj 4745 K.O. Ljubache.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uvidajem na objektu, pod slijedećim uslovima:
 - 3.1. Da pravno lice „MLIN I PEKARA“ d.o.o. Ljubache-Tuzla, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih od pranja prostora i opreme za proizvodnju pekarskih proizvoda, te od pranja vozila, te pranjem podova i radnih površina kao i iz objekata izgrađenih u krugu predmetnog proizvodnog kompleksa, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se vrši redovno čišćenje uređaja za tretman otpadnih voda i pratećih elemenata od strane ovlaštene firme, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda (oba ispusta), uzimanjem uzorka efluenta iz okna za monitoring a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.6. Ukoliko Vlada propiše dodatne (strožije) uvjete od uvjeta definisanih u Uredbi o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.

- 3.7. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.8. Da se kod pranja koriste sredstva koja su prikladna okolinskim zahtjevima.
- 3.9. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.11. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.12. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.13. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.14. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH“, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
5. U periodu važenja ove dozvole, korisnik predmetnog objekta, „MLIN I PEKARA“ d.o.o. Ljubače-Tuzla, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „MLIN I PEKARA“ d.o.o. Ljubače-Tuzla, zahtjevom od 11.07.2024 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz pogona za proizvodnju mlinskih i pekarskih proizvoda, izgrađenih u naselju Ljubače, Grad Tuzla, na zemljištu označenom kao k.č. broj: 4745-K.O. Ljubače.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra matični broj subjekta upisa 1-246 od 29.03.2024. godine, izdatog od strane Općinskog suda u Tuzli-ovjerena kopija,
- Uvjerenje o poreznoj registraciji izdato 01.12.2022. godine, od strane Porezne uprave – Kantonalni ured Tuzla-ovjerena kopija,
- Rješenje o odobrenju za građenje broj: 06-03/5-360-97/85-LC od 06.01.1986 godine izdato od strane Komisije za prostorno uređenje, izgradnju, stambene i komunalne poslove, Općina Tuzla,
- Rješenje o odobrenju za građenje broj: 06-9371-3/68 od 16.12.1968 godine izdato od strane Republički sekretarijat za zdravstvo i socijalnu politiku,
- Rješenje broj: 05/5-UP-351-266/71 od 10.07.1972 godine izdato od strane zavoda za urbanizam i komunalne poslove Tuzla,
- Rješenje broj: UP-I-03-4-20/1-1718-1/23 od 30.04.2024 godine izdato od strane Federalnog ministarstva poljoprivrede, vodoprivrede i šumarstva-ovjerena kopija,
- Rješenje o vodnoj dozvoli broj: UP-I/25-3-40-383-5/20 od 30.11.2020. godine izdato od strane Agencije za vodno područje rijeke Save, Sarajevo,
- Kopija uplatnice administrativne takse,
- Prateći/transportni list o čišćenju i zbrinjavanju zaufljene vode i taloga br. 982-04/24 od 11.09.2024 godine od strane KEMEKO-BH d.o.o. Lukavac,
- Ugovor br. 702-01/24 od 16.09.2024 godine o sakupljanju, skladištenju i zbrinjavanju opasnog otpada zaključen sa ovlaštenom firmom „KEMEKO-BH“ d.o.o. Lukavac,
- Izvještaj o monitoringu kvaliteta i kvantiteta otpadnih voda „MLIN I PEKARA“ d.o.o. Ljubače-Tuzla, broj: 7-644-6350/24, septembar 2024 godine, broj: 7-141-1634/24, mart 2024 godine, broj: 7-291-3234/24, maj 2024 godine, urađen od strane „TQM“ d.o.o. Lukavac,

B. Tehnička dokumentacija

- Dopuna projekta izvedenog stanja prikupljanja, tretmana i odvođenja otpadnih voda na lokalitetu poslovnog objekta „MLIN I PEKARA“ d.d. Ljubače-Tuzla, urađen od strane „TQM“ d.o.o. Lukavac, juni 2019 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/25-3-40-351-2/24 od 23.08.2024. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Predmetni pogoni za proizvodnju i prodaju mlinskih i pekarskih proizvoda su izgrađeni u naselju Ljubače, grad Tuzla, na zemljištu označenom kao k.č. broj: 4745 K.O. Ljubače, maksimalnog kapaciteta 150 t/24 h. Od predmetne lokacije na udaljenosti cca 25,00 m se nalazi otvoreni kanal koji se uliva u rijeku Spreču, a dalje u jezero Modrac.

Na predmetnoj lokaciji se nalaze sljedeće cjeline: upravna zgrada, mlin, pekara, tvornica stočne hrane, skladišta, silosi, kuhinja, 2x30 m³ rezervoara za smještaj naftnih derivata, plato za pranje vozila i drugi prateći sadržaji vezani za predmetnu djelatnost.

Tehnološke otpadne vode nastaju od pranja prostora i opreme za proizvodnju pekarskih proizvoda, te od pranja vozila.

Tehnološke otpadne vode iz pekare se zajedno sa sanitarnim otpadnim vodama tretiraju na uređaju za biološko prečišćavanje a potom ispuštaju u otvoreni kanal u neposrednoj blizini predmetne lokacije a potom rijeku Spreču i dalje u jezero Modrac.

Monitoring se vrši na ispustu E1 iza uređaju za biološko prečišćavanje tehnoloških otpadnih voda i sanitarnih otpadnih voda.

Tehnološke otpadne vode od pranja vozila i oborinske vode sa manipulativnih i saobraćajnih površina se tretiraju u separatoru masti i ulja te ispuštaju u otvoreni kanal.

Prilikom uviđaja utvrđeno je da podnosilac zahtjeva, sistem za prikupljanje, prečišćavanje i ispuštanje tehnoloških otpadnih voda nije održavao u funkcionalnom stanju.

Izveštaj rezultata ispitivanja kvaliteta tehnoloških otpadnih voda broj: 7-291-3234/24, maj 2024 godine, urađen od strane „TQM“ d.o.o. Lukavac, ukazuje da granične vrijednosti u prečišćenoj vodi nisu u skladu sa vrijednostima parametara propisanih Uredbom.

Neredovno čišćenje uređaja za tretman otpadnih voda može biti uzrok da parametri u efluentu prelaze granične vrijednosti propisane Uredbom.

Na osnovu navedenog prilikom uviđaja sa podnosiocem zahtjeva je dogovoreno da se izvrši čišćenje uređaja od strane ovlaštene firme i da se provjeri rad samog uređaja te da se nakon toga uradi ispitivanje otpadnih voda iza uređaja za tretman u oknim za tretman na oba ispusta.

Dana 19.09.2024 godine podnosilac zahtjeva je dostavio dokaz o izvršenim aktivnostima dogovorenim prilikom uviđaja.

Iz izveštaja rezultata ispitivanja kvaliteta tehnoloških otpadnih voda broj: 7-644-6350/24, septembar 2024 godine, urađen od strane „TQM“ d.o.o. Lukavac je utvrđeno da su granične vrijednosti u prečišćenoj vodi u skladu sa vrijednostima parametara propisanih Uredbom.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i 15. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „MLIN I PEKARA“ d.d. Ljubac-Tuzla, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata

Mihailo Pezo, dipl.inž.građ.

Dostaviti:

- „MLIN I PEKARA“ d.d. Ljubac, Ljubac bb, Tuzla, (Prilog-tehnička dokumentacija pod tačkom B. obrazloženja ovog Rješenja)
- ⊙ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo